

BOSNA I HERCEGOVINA
FEDERACIJA BOSNE I HERCEGOVINE
VLADA

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-04-671/2021
Sarajevo, 21.05.2021.godine

PARLAMENT FEDERACIJE BOSNE I HERCEGOVINE

Dom naroda

gosp. Boris Krešić, delegat
gosp. Izmir Hadžiavdić, sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:	04-06-2021		
Org. jed.	Vrlo j	Priloga	Vrijednost
05/1 - 02 -	169	21	

Predmet: Odgovor na delegatsko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10 i 39/20), a u vezi sa članom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03, 21/09 i 24/20), u prilogu Vam dostavljam akt Interresorne radne grupe, broj: int. 18/21 od 20.05.2021. godine, koji sadrži odgovor na delegatsko pitanje, koje je postavio Boris Krešić, delegat u Domu naroda Parlamenta Federacije BiH.

S poštovanjem,



Prilog: kao u tekstu

4565

BOSNA I HERCEGOVINA
FEDERACIJA BOSNE I HERCEGOVINE
V L A D A


БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
В Л А Д А

BOSNIA AND HERZEGOVINA
FEDERATION OF BOSNIA AND HERZEGOVINA
G O V E R N M E N T

Interresorna radna grupa koja će izvršiti analizu propisa u okviru kojih istospolni parovi iz životne zajednice mogu ostvariti svoja prava koja proizilaze iz Evropske konvencije za zaštitu ljudskih prava i osnovnih sloboda i predložiti propise koje je potrebno donijeti na području Federacije Bosne i Hercegovine

Broj: int. 18 /21
Datum: 20.05.2021. godine

**Bosna i Hercegovina
Federacija Bosne i Hercegovine
Generalni sekretarijat Vlade Federacije Bosne i Hercegovine
n/r mr.sc. Edita Kalajdžić**



**PREDMET: Odgovor na delegatsko pitanje; dostavlja se,
VEZA: Vaš akt broj 03-4-671/2021. godine od 11.05.2021. godine**

Poštovana gđa. Kalajdžić,

Vezano za delegatsko pitanje koje ste dostavili vašim aktom broj i datum veze dostavljamo sljedeći odgovor.

„ Vlada Federacije Bosne i Hercegovine na 208. sjednici, održanoj 30.01.2020. godine donijela je Rješenje o imenovanju Interresorne radne grupe koja će izvršiti analizu propisa u okviru kojih istospolni parovi iz životne zajednice mogu ostvariti svoja prava koja proizilaze iz Evropske konvencije za zaštitu ljudskih prava i osnovnih sloboda i predložiti propise koje je potrebno donijeti na području Federacije Bosne i Hercegovine (Rješenje V.broj: 162/2020 od 31.01.2020. godine - „Službene novine Federacije BiH“ broj 9/20).

Od formiranja Interresorna radna grupa je održala više sastanaka na kojima su analizirani propisi u okviru kojih istospolni parovi iz životne zajednice mogu ostvariti svoja prava.

Između ostalog analizirana su:

- Zakonska rješenja u regionu
 - a) Zakon o životnom partnerstvu osoba istog spola („Narodne novine“, br. 92/14 i 98/19“) - Republika Hrvatska,
 - b) Zakon o životnom partnerstvu lica istog pola ("Službeni list CG", broj: 67/20) - Republika Crna Gora,

- Publikacija „Izvan Zakona - Pravna regulacija životnih zajednica parova istog spola u Bosni i Hercegovini“, edicija Ljudska prava Sarajevskog otvorenog centra, izdanje 2016,
- Publikacija „Pravna regulacija životnih zajednica istog spola u Hrvatskoj, Sloveniji, Srbiji i Bosni i Hercegovini“, Sarajevski otvoreni centar, izdanje 2015,
- Evropska konvencija za zaštitu ljudskih prava i osnovnih sloboda,
- Zakon o ravnopravnosti spolova u Bosni i Hercegovini – Prečišćeni tekst („Službeni glasnik BiH“, broj: 32/10),
- Zakon o zabrani diskriminacije („Službeni glasnik BiH“ br. 59/09 i 66/16),
- trenutna zakonska rješenja u Federaciji BiH vezana za nevedenu problematiku, što je u konačnici trebalo identifikovati propise koje treba donijeti.

Članovi Interresorne radne grupe utvrdili su oblasti od interesa na nivou Federacije BiH u kojima bi se trebale mijenjati i dopuniti pojedine odredbe kojima bi se regulisalo pitanje načina na koji istospolni parovi iz životne zajednice mogu ostvariti svoja prava koja proizilaze iz Evropske konvencije za zaštitu ljudskih prava i osnovnih sloboda.

Oblasti od interesa:

1. Sklapanje i prestanak životne zajednice;
2. Vođenje registra o životnim zajednicama;
3. Starateljstvo/dužnost izdržavanja;
4. Imovinski odnosi, upravljanje, podjela, nekretnine;
5. Nasljeđivanje;
6. Poreska oslobođanja;
7. Prava iz penzijskog osiguranja;
8. Prava iz oblasti socijalne zaštite;
9. Prava iz oblasti zdravstvene zaštite i zdravstvenog osiguranja;
10. Radni odnosi;
11. Prava u toku krivičnog postupka i izvršenja sankcija;
12. Stjecanje državljanstva;
13. Privremeni i stalni boravak;
14. Međunarodna zaštita.

Navedene oblasti interesa sadržane su u sljedećim zakonskim i drugim propisima:

1. **Zakon o matičnim knjigama Federacije Bosne i Hercegovine** ("Službene novine Federacije BiH", br. 37/12 i 80/14);
2. **Porodični zakon Federacije Bosne i Hercegovine** ("Službene novine Federacije BiH", br. 35/05, 41/05 i 31/14);
3. **Zakon o nasljeđivanju u Federaciji Bosne i Hercegovine** ("Službene novine Federacije BiH", broj: 80/14);
4. **Propisi koji uređuju i odnose se na poreze i poreske olakšice:**

- a) **Zakon o porezu na dohodak** ("Službene novine Federacije BiH", br. 10/08, 9/10, 44/11, 7/13 i 65/13),
- b) kantonalni zakoni koji se odose na porez na promet nekretninama, darove i imovinu;
- 5. **Zakon o penzijskom i invalidskom osiguranju** ("Službene novine Federacije BiH", broj: 13/18);
- 6. **Propisi iz sistema socijalne zaštite;**
- 7. **Zakon o zdravstvenom osiguranju** ("Službene novine Federacije BiH", br. 30/97, 7/02, 70/08 , 48/11 i 36/18);
- 8. **Propisi iz oblasti krivičnog prava, krivičnog postupka i izvršenja krivičnih sankcija:**
 - a) **Krivični zakon Federacije Bosne i Hercegovine** ("Službene novine Federacije BiH", br. 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17),
 - b) **Zakon o krivičnom postupku Federacije Bosne i Hercegovine** ("Službene novine Federacije BiH", br. br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20),
 - c) **Zakon o izvršenju krivičnih sankcija u Federaciji Bosne i Hercegovine** ("Službene novine Federacije BiH", br. 44/98, 42/99, 12/09 i 42/11);
- 9. **Zakon o državljanstvu Federacije Bosne i Hercegovine** ("Službene novine Federacije BiH", br. 34/16 i 98/16).

U konačnici, saglašen je jedinstven stav unutar Interresorne radne grupe da bi se na nivou Federacije BiH trebao donijeti poseban zakon kojom bi se regulisalo pitanje načina na koji istospolni parovi iz životne zajednice mogu ostvariti svoja prava koja proizilaze iz Evropske konvencije za zaštitu ljudskih prava i osnovnih sloboda.

Praksa najvećeg broja država vezano za rješavanje ovog pitanja je donošenje posebnog zakona – lex specialis.

Ovako zakonsko rješenje obuhvata najveći broj oblasti od interesa za istospolne zajednice i jasno ih normira vodeći se pravima i obavezama koje postojeći propisi predviđaju za bračne i vanbračne partnera u Federaciji Bosne i Hercegovine.

Iz navedenih razloga prijedlog Interresorne radne grupe je donošenje posebnog zakona „Zakona o životnim zajednicama osoba istog spola Federacije Bosne i Hercegovine“.

Dana 29.04.2021. godine Interresorna radna grupa je sačinila „Izvještaj o radu sa prijedlogom propisa koje je potrebno donijeti na području Federacije Bosne i Hercegovine kako bi istospolni parovi iz životne zajednice mogli ostvariti svoja prava koja proizilaze iz evropske konvencije o zaštiti ljudskih prava i osnovnih sloboda“, i uputila ga prema Vladi Federacije BiH na razmatranje.

Očekujemo da će Izvještaj naјskorije biti uvršten na jednu od narednih sjednica Vlade Federacije BiH“

S poštovanjem,

